


المواطنون يصرخون .. الكساد يسيطر على أسواق الملابس بالغربية جراء ارتفاع الأسعار



الثلاثاء 14 يوليو 2015 12:07 م

حالة من الكساد التجاري، تشهدها معارض ومحلات الملابس بالغربية، رغم اقتراب العيد بسبب ارتفاع الأسعار

ارتفع متوسط أسعار الملابس هذا العام بنسبة 25% عن العام الماضي، وحصلت ملابس الأطفال على النصيب الأكبر من الارتفاع بنسبة تجاوزت 40% تليها الملابس الحریمی؛ حيث ارتفعت بنسبة 30%، وحصلت الملابس الرجالي على أقل نسبة في ارتفاع الأسعار هذا العام بنسبة لا تتعدى الـ10%.

تقول سلمى محمد، موظفة بالبريد: "بقالي يومين بلف على محلات الملابس والمعارض مش لاقية حاجة نظيفة وأسعارها مناسبة"، الأسعار السنة دي ارتفعت بشكل جنوني أقل جيبه في السوق دلوقتي بـ150 جنيهه والبلوزة 80 جنيهه، ده غير الطرح والأحذية، وأنا عندي بنتين ده غير الولاد طب هعمل إيه؟".

وقال كمال عزت، بائع ملابس أطفال: "حالنا واقف لا فيه بيع ولا شراء، ده غير المناهدة مع الزباين طول النهار بس الناس هتعمل إيه؟ الأسعار فعلا غالية ما هو لما يكون طقم الطفل بيدخل في 150 و200 جنيهه، الناس هتشتري ازاي؟".

وقالت ثرية إسماعيل، ربة منزل: "أنا نزلت أجيب لبس العيد لولادي، لقيت الأسعار مرتفعة جدًا، وأنا عندي 3 أولاد هجيب لمين ولا لمين وزوجي راجل شغال على دراعه، بصراحة الأسعار دي متنفعش للغلابة خالص، ربنا يتولانا برحمته".

ويقول أحمد عبدالله، طالب جامعي: "بصراحة الموضوع كذا زاد على حده، اترفع الدعم عن السلع، والبنزين مش لاقينه، والنور يقطع أكثر مايبجي، كمان أسعار الملابس غالية، أنا كنت بنزل أجيب من أرقى أماكن أفضل طقم مكانش بيعدي الـ250 جنيهه، دلوقتي مش عارف أجيب من المعارض العادية بالسعر ده".

ويوجه محمد تامر، بائع ملابس، رسالة للمسؤولين بقوله: "شوفولنا حل، احنا مش عارفين نعيش، الأمور بقت صعبة أوي والحالة بقت زفت، والبياعين كل فين وفين على مايبجي زبون يقبل بالأسعار بعد ما بيواصل لحد ما يوصلها للسعر اللي أنا شاربه بيه، وأوقات بأقل منه كمان".

وقال معاذ سليمان، طالب ثانوي: "الأسعار بقت نار وكله بيحجب اللوم على كله، اللي يقولك التجار الكبار، واللي يقولك غلاء المواد الخام، واللي يقول أزمة البنزين والحكومة ساكتة مبتقولشي حاجة ومبقناش عارفين مينين بيودي على فين"، فيما قالت أميره زيادة، معلمة، "والله الأسعار صعبة ومش عارفة اشتري حاجة لا لنفسني ولا للعيال، بس هعمل ايه بقى هضطر اجيب حاجة جديدة وامشيه على حاجة قديمة، ونعدي أمورنا وافرح العيال".